



STATUTI

**INICIATIVA E RE DEMOKRATIKE E
KOSOVËS**

IRDK

Përmbajtja

STATUTI.....	1
I. DISPOZITAT E PËRGJITHSHME DHE PARIMET THEMELORE.....	5
NENI 1.....	5
Partia politike, emërtimi dhe simbolet.....	5
NENI 2.....	5
Dokumentet bazë Hierarkia e Akteve.....	5
II. ANËTARËSIMI NË IRDK, TË DREJTAT DHE OBLIGIMET E ANËTARËVE TË IRDK-SË.....	6
NENI 3.....	6
Anëtarësimi në IRDK.....	6
NENI 4.....	6
Të drejtat dhe detyrimet e anëtarit të IRDK-së.....	6
NENI 5.....	6
Statusi i anëtarit dhe mënyra e përjashtimit.....	6
III. ORGANIZIMI DHE FUNKSIONIMI I IRDK-SË.....	8
NENI 6.....	8
Njësitë themelore të organizimit të IRDK-së.....	8
NENI 7.....	8
Nëndega.....	8
NENI 8.....	8
Kuvendi i Nëndegës.....	8
NENI 9.....	9
Kryesia e Nëndegës	9
NENI 10	10
Dega	10
NENI 11	10
Kuvendi i Degës	10
NENI 12.....	11
Kryesia e Degës	11
NENI 13	11
Kryetari i degës	11
NENI 14.....	12

Nënkryetaret e degës.....	12
NENI 15	12
Sekretari organizativ i degës.....	12
NENI 16.....	12
Degët e IRDK-së në diasporë.....	12
NENI 17	13
Kuvendi Përgjithshëm i IRDK-së.....	13
NENI 18	14
Organizimi dhe funksionimi i Kuvendit të Përgjithshëm.....	14
NENI 19.....	14
Sekretari i Kuvendit të Përgjithshëm.....	14
NENI 20	15
Kuvendi i Jashtëzakonshëm.....	15
NENI 21	15
Këshilli Drejtues i IRDK-së.....	15
NENI 22.....	15
Organizimi dhe Kompetencat e Këshillit Drejtues të IRDK-së	15
NENI 23	17
Kryesia e IRDK-së	17
NENI 24.....	17
Kryetari i IRDK-së.....	17
NENI 25.....	18
Zgjedhja e kryetarit të IRDK-së.....	18
NENI 26.....	19
Nënkryetaret e IRDK-së.....	19
NENI 27	19
Sekretari i përgjithshëm i IRDK-së.....	19
NENI 28.....	19
Përgjegjësi i Financave.....	19
NENI 29	20
Zëdhënësi i IRDK-së	20
NENI 30.....	21
Komisioni statutar i IRDK-së	21

NENI 31	21
Forumi i Gruas i IRDK-së.....	21
NENI 32	22
Forumi Rinor i IRDK-së	22
NENI 33	22
Kryetari i Nderit.....	22
NENI 34	22
Sekretari organizativ	22
NENI 35	23
Dispozitat përfundimtare.....	23
NENI 36	23
Hyrja në fuqi e statutit te IRDK-së	23

I. DISPOZITAT E PËRGJITHSHME DHE PARIMET THEMELORE

NENI 1

Partia politike, emërtimi dhe simbolet

- 1.1. Iniciativa e Re Demokratike e Kosovës është parti politike e egjiptianeve të Kosovës dhe qytetarëve tjerë të cilët pranojnë programin dhe statutin e saj. Qëllimet dhe parimet e Iniciativës së Re Demokratike të Kosovës janë përcaktuar në programin politik.
- 1.2. Iniciativa e Re Demokratike e Kosovës është parti e qendrës me orientim socialdemokrat. Veprimtaria e saj është e përqendruar në mirëqenien sociale, ekonomike, arsimore, kulturore të qytetareve të Kosovës dhe në veçanti promovimin e identitetit etnik, vlerave kulturore e historike dhe avancimin e pozitës së egjiptianeve të Kosovës.
- 1.3. Emri i partisë është: Iniciativa e Re Demokratike e Kosovës me shkurtesën : IRDK.
- 1.4. Selia e partisë është në Gjakovë.
- 1.5. Iniciativa e Re Demokratike e Kosovës vepron në territorin e Kosovës dhe në diasporë në pajtim me dispozitat të shteteve përkatëse.
- 1.6. Iniciativa e Re Demokratike e Kosovës ka simbolin që përbehet prej akronimit IRDK, hartën e Kosovës me gjashtë yje mbi akronim, vulën në të cilën shkruan: Iniciativa e Re Demokratike e Kosovës. Vula e degës është e njëjtë me vulën e qendrës, por përmban edhe emrin e degës.

NENI 2

Dokumentet bazë Hierarkia e Akteve

Statusin e dokumentit bazë e kanë:

- 2.1. Dokumenti bazë i IRDK-së është Statuti.
- 2.2. Dokumente tjera të IRDK-së janë Rregulloret e punës së Kryesisë së IRDK-së dhe Këshillit Drejtues.

II. ANËTARËSIMI NË IRDK, TË DREJTAT DHE OBLIGIMET E ANËTARËVE TË IRDK-SË

NENI 3

Anëtarësimi në IRDK

- 3.1. Anëtar i IRDK-së mund të bëhet çdo qytetar i Kosovës mbi moshën 18 vjeç, i cili pranon Programin dhe Statutin e IRDK-së.
- 3.2. Anëtarësimi bëhet individualisht, bazuar në deklarin e lirë përmes plotësimit dhe nënshkrimit të formularit për anëtarësim në IRDK.
- 3.3. Anëtarët e IRDK-së posedojnë librezën e partisë dhe mund të kontribuojnë financiarisht për anëtarësim në parti.

NENI 4

Të drejtat dhe detyrimet e anëtarit të IRDK-së

Anëtar i IRDK-së ka të drejtë dhe obligim:

- 1) të merr pjesë në përcaktimin dhe zbatimin e politikës partiake në format e parapara me këtë statut.
- 2) Të zgjedhë dhe të zgjidhet në organet e partisë.
- 3) Të zgjidhet në organet dhe format e organizimit të partisë.
- 4) Të kandidohet për zgjedhje në listat e partisë.
- 5) Të respektoj statutin, programin dhe vendimet e IRDK-së
- 6) Të veprojë aktivisht në IRDK duke marrë pjesë dhe duke ndihmuar realizimin e programit zgjedhor dhe aktivitetet tjera të IRDK-së.

NENI 5

Statusi i anëtarit dhe mënyra e përjashtimit

- 5.1. Anëtarësia në IRDK ndërpritet:
 - a) me largim vullnetar.
 - b) me përjashtim për shkak të veprimeve në kundërshtim me Programin, Statutin, qëndrimet dhe vendimet e IRDK-së.

c) me anëtarësim në parti ose organizatë tjetër politike.

5.2. Vendimin për përjashtimin e anëtarit të IRDK-së e merre Këshilli Drejtues i partisë sipas propozimit të arsyetuar me shkrim të kryesisë së degës përkatëse.

5.3. Kundër vendimit për përjashtim mund të bëhet ankesë Komisionit Statutar brenda afatit prej 30 ditëve nga marrja e vendimit.

5.4. Ankesën për përjashtim nga IRDK e shqyrton Komisioni Statutar i IRDK-së

III. ORGANIZIMI DHE FUNKSIONIMI I IRDK-SË

NENI 6

Njësitë themelore të organizimit të IRDK-së

- 6.1 . IRDK përbëhet nga organet e përgjithshme të partisë, degët dhe nëndegët.
- 6.2. Organet Qendrore të partisë janë:
- 6.3. Kuvendi i përgjithshëm i IRDK-së
- 6.3. Këshilli Drejtues i IRDK-së
- 6.4. Kryesia Qendrore e IRDK-së
- 6.5. Kryetari i IRDK-së

NENI 7

Nëndega

- 7.1 Nëndega është njësia themelore e organizimit të IRDK-së
- 7.2 Nëndegët e IRDK-së formohen në nivel të lagjeve të qyteteve ose fshatrave
- 7.3 Të gjitha nëndegët e një komune e përbejnë degën e një komune
- 7.4 Organet udhëheqëse të nëndegës janë: Kuvendi dhe Kryesia e nëndegës

NENI 8

Kuvendi i Nëndegës

- 8.1 Kuvendi i Nëndegës mbledhet një herë në dy vjet dhe sipas nevojës thirren Kuvende të jashtëzakonshme.
- 8.2 Kuvendin e Nëndegës e përbejnë të gjithë anëtarët e IRDK-së nga territori i nëndegës.
- 8.3 Kompetenca e Kuvendit të nëndegës janë:
 - 1. Zgjedh dhe shkarkon: Kryetarin, Nënkryetaret, Sekretarin organizativ dhe anëtarët e Kryesisë së nëndegës së IRDK-së.
 - 2. Zgjedh delegatët për Kuvendin zgjedhor të degës
 - 3. Miraton raportin e punës së Kryesisë së nëndegës dhe objektivat e punës së Kryesisë së nëndegës

- 8.4 Minimumi i numrit të delegatëve të nevojshëm për Kuvendin e nëndegës është më shumë se gjysma e anëtareve të IRDK-së nga territori i nëndegës.
- 8.5 Zgjedhja e strukturës udhëheqëse e nëndegës bëhet përmes votimit të listës së 5 deri 9 (pesë - nëntë) kandidateve. Fituesi i numrit më të madh të votave zgjedhet nënkryetar i nëndegës së IRDK-së, dhe pastaj në bazë të numrit më të madh të votave zgjedhet: sekretari organizativ dhe dy anëtarët e Kryesisë së nëndegës së IRDK-së.
- 8.6 Mënyra e kandidimit dhe e zgjedhjes së kryetarit të nëndegës përcaktohet nga Kryesia Qendrore e IRDK-së.

NENI 9

Kryesia e Nëndegës

- 9.1 Kryesia e nëndegës së IRDK-së është organ politik i nëndegës.
- 9.2 Kryesia e nëndegës së IRDK-së i ka 5 deri në 9 anëtarë.
- 9.3 Kryesia e nëndegës së IRDK-së:
1. Zbaton politiken e përcaktuar nga Kuvendi i nëndegës së IRDK-së dhe nga organet tjera udhëheqëse të Partisë
 2. Është përgjegjëse për organizimin e nëndegës, për organizimin e fushatave zgjedhore dhe grumbullimin e fondeve të caktuara për IRDK-në
- 9.4 Kryetari i nëndegës së IRDK-së e udhëheq nëndegën në aktivitete e nëndegës: thërret dhe kryeson mbledhjet e Kryesisë dhe Kuvendit të nëndegës, dhe e ka votën vendimtare gjatë marrjes së vendimeve në rast të barazimit të votave
- 9.5 Nënkryetari i nëndegës e zëvendëson kryetari kur ai mungon dhe e ndihmon kryetarin në realizimin e detyrave të tij.
- 9.6 Sekretari organizativ i nëndegës së IRDK-së është përgjegjës për administrimin e nëndegës, për mbajtjen e procesverbaleve, shpërndarjen e materialeve të Partisë të anëtarët dhe mbajtjen e kontakteve në mes të Kryesisë së nëndegës me anëtarët e IRDK-së.

NENI 10

Dega

- 10.1 Dega formohet në territorit e një komune dhe duhet të ketë së paku 3 nëndegë.
- 10.2 Organet udhëheqëse të degës janë: Kuvendi, Kryesia e degës dhe Kryetari

NENI 11

Kuvendi i Degës

- 11.1 Kompetenca e Kuvendit të degës janë:
 - 1. Zgjedh dhe shkarkon: Kryetarin, Nënkryetaret, Sekretarin organizativ dhe anëtarët e Kryesisë së degës së IRDK-së.
 - 2. Zgjedh delegatët për Kuvendin Qendror të Partisë
 - 3. Miraton raportin e punës së Kryesisë së degës dhe objektivat e punës së Kryesisë së degës
- 11.2 Mbledhjet e rregullta zgjedhore të Kuvendit të degës mbahen një herë në katër vjet dhe sipas nevojës thirren Kuvende të jashtëzakonshme.
- 11.3 Delegatë të Kuvendit të degës janë delegatët e zgjedhur nga nëndegët prej të cilëve derivon Kryesia prej 9 anëtarëve.
- 11.4 Numrin e delegateve të degës e përcakton Kryesia e degës duke u bazuar në kriteret e caktuar paraprakisht nga Kryesia Qendrore e IRDK-së.
- 11.5 Mbledhja e jashtëzakonshme e Kuvendit të degës e thërret Kryesia e degës me propozimin e 1/3 të anëtareve, në rast të shkeljeve të rënda të statutit dhe programit të IRDK-së nga ana e udhëheqësve të degës. Vendimi për mbajtjen e Kuvendit të jashtëzakonshëm merret me 2/3 e votave të anëtareve të Kryesisë së degës

NENI 12

Kryesia e Degës

12.1. Kryesia e degës së IRDK-së është organ ekzekutiv dhe politik i degës

12.2. Kryesia e së IRDK-së ka 9 anëtarë: Kryetarin, dy nënkryetar, Sekretarin Organizativ dhe anëtarët tjerë të Kryesisë. Kryetaret e nëndegëve të cilët nuk janë zgjedhur në Kryesinë e degës së IRDK-së janë pjesë e Kryesisë së degës por pa të drejtë vote (ex officio)

12.3. Kryesia e degës së IRDK-së

1. Zbaton politiken e përcaktuar nga Kuvendi i degës së IRDK-së dhe nga organet tjera udhëheqëse të Partisë.
2. Është përgjegjëse për organizimin e degës, për organizimin e fushatave zgjedhore në kuadër të komunës.
3. Me shumicë të thjeshtë votash miraton listën e kandidatëve për: delegatë në Kuvendin Komunal, anëtarë të qeverisë komunale dhe anëtarë të komisioneve të Kuvendit Komunal
4. Zgjedh Përgjegjësin Financiar të degës i cili duhet të jetë nga radhët e anëtareve të Kryesisë së degës
5. Formon Grupe punuese për detyra konkrete të lidhura me çështjen organizative të IRDK-së.
6. Miraton Rregulloren e punës së degës, në të cilën përcaktohen detyrat dhe përgjegjësitë e secilit anëtar të Kryesisë, të cilat nuk janë të përshkruara në statut.

NENI 13

Kryetari i degës

Përgjegjësitë e Kryetarit të degës janë:

13.1. e udhëheqë degën

13.2. i thërret dhe i udhëheqë mbledhjet e Kryesisë së degës

13.3. i thërret dhe i udhëheqë mbledhjet e Kuvendit të degës

13.4. është përgjegjës për funksionimin e degës

13.5. është përgjegjës për zbatimin e statutit dhe programit të IRDK-së

13.6. propozon marrjen e vendimeve për funksionim të efektshëm të degës

NENI 14 **Nënkryetaret e degës**

Në mungesë të kryetarit të degës funksionin e tij e ushtron nënkryetari i parë i degës.
Në mungesë të kryetarit dhe nënkryetarit të parë funksionin e kryetarit e ushtron nënkryetari i dytë

NENI 15 **Sekretari organizativ i degës**

Sekretari organizativ i degës është përgjegjës për:

15.1. Organizimin e punëve për funksionimin e degës

15.2. I raporton Kryesisë së degës për aktivitetet e përgjithshme në funksionimin e degës

15.3. Organizon punën në mes të Kryesisë së degës dhe kryesive të nëndegëve

15.4. I raporton Kryesisë së degës për aktivitetin e përgjithshëm të nëndegëve

NENI 16 **Degët e IRDK-së në diasporë**

16.1. Në pajtim me këtë statut dhe me ligjet në fuqi të shteteve përkatëse, Partia Egjiptiane organizon degë në diasporë.

16.2. Dega në diasporë formohet në territorin e një rajoni të caktuar gjeografik (qytet, kanton, land, shtet). Për territorin e veprimit të degës vendos bashkësia e degëve të IRDK-së në diasporë dhe Kryesia e IRDK-së. Degët në diasporë mbajnë lidhje hierarkike me Kryesinë e IRDK-së.

16.3. Në Kuvendin e degës marrin pjesë të gjithë anëtarët e partisë nga rajoni i përkufizuar i degës dhe minimumi i numrit të delegatëve për Kuvendin zgjedhor të degës duhet të jetë më shumë se gjysma e anëtareve të partisë nga territori i përcaktuar i degës.

16.4. Të gjitha degët të cilat veprojnë në një shtet përbejnë bashkësinë e degëve të partisë në atë shtet.

16.5 Kryetaret e degëve dhe 5 aktivistet e dalluar përbejnë Kryesinë e Bashkësisë së degëve.

NENI 17

Kuvendi Përgjithshëm i IRDK-së

17.1. Kuvendi i përgjithshëm i IRDK-së është organi më i lartë vendimmarrës

17.2. Kuvendi i Përgjithshëm i IRDK-së ka këto përgjegjësi:

1. Analizon punën e IRDK-së për periudhë në mes të dy kuvendeve dhe nxjerrë vendime, rekomandime, deklarata, rezoluta dhe përcakton orientimet kryesore.
2. Miraton, ndryshon dhe plotëson statutin dhe programin e IRDK-së
3. Shqyrton dhe vlerëson punën e Kryesisë së partisë dhe Këshillit Drejtues të IRDK-së.
4. Zgjedhë dhe shkarkon Kryetarin e partisë dhe anëtarët e Këshillit Drejtues të IRDK-së.

17.3. Kuvendi zgjedhor, me votim të hapur e voton përbërjen e Këshillit Drejtues të IRDK-së.

NENI 18

Organizimi dhe funksionimi i Kuvendit të Përgjithshëm

- 18.1. Kuvendi zgjedhor i IRDK-së mbahet një herë në katër vjet.
- 18.2. Kuvendi i rregullt i partisë thirret nga Kryetari i IRDK-së.
- 18.3. Rendin e ditës për Kuvendin zgjedhor dhe të jashtëzakonshëm e përcakton Këshilli Drejtues i IRDK-së.
- 18.4. Kuvendin e hap Kryetari i IRDK-së.
- 18.5. Kuvendin e udhëheqë Kryesia e punës së Kuvendit e cila zgjedhet nga Kuvendi dhe ka mandat vetëm aq sa zgjasin punimet e Kuvendit.
- 18.6. Kuvendin e Përgjithshëm e përbëjnë të gjithë delegatët e zgjedhur në Kuvendet e degëve.
- 18.7. Numri i delegateve për Kuvendin e Përgjithshëm është 81
- 18.8. Këshilli Drejtues e përcakton numrin e delegateve nga secila degë e partisë duke u bazuar në rezultatin e zgjedhjeve të fundit parlamentare ose komunale.
- 18.9. Secila degë e cila vepron në diasporë e delegon nga 1 delegatë në Kuvendin e Përgjithshëm.

NENI 19

Sekretari i Kuvendit të Përgjithshëm

- 19.1. Sekretarin e Kuvendit të Përgjithshëm e zgjedh Këshilli Drejtues i IRDK-së.
- 19.2. Sekretarin e Kuvendit të Përgjithshëm është përgjegjës për mbarëvajtjen e punëve procedurale dhe teknike të Kuvendit.
- 19.3. Sekretarin e Kuvendit të Përgjithshëm është përgjegjës për arkivimin e dokumentacionit dhe procesverbaleve të mbajtura gjatë punës së Kuvendit.
- 19.4. Sekretarin e Kuvendit të Përgjithshëm e mbikëqyr punën e sekretarisë së Kuvendit puna e së cilës përfundon me përfundimin e punimeve të Kuvendit.

NENI 20

Kuvendi i Jashtëzakonshëm

20.1. Kuvendi i Jashtëzakonshëm i IRDK-së thirret:

1. Në rast të shkeljeve të rënda statusore ose programore nga ana e udhëheqësve të IRDK-së.
2. Në rast të shpalljeve të zgjedhjeve të jashtëzakonshme.

20.2. Kuvendin e Jashtëzakonshëm mund ta thërras Këshilli Drejtues:

- me kërkesën e 2/3 të anëtareve të vet;
- me kërkesë e 1/3 të delegatëve të Kuvendit të IRDK-së;
- me kërkesën e shumicës së Kryesive të degëve të IRDK-së

NENI 21

Këshilli Drejtues i IRDK-së

21.1. Këshilli Drejtues i IRDK-së është organi politik ekzekutivi IRDK-së

21.2. Këshilli Drejtues i Partisë Egjiptiane përbëhet nga 39 anëtarë, ku 35 prej tyre zgjidhen nga Kuvendi i përgjithshëm dhe 4 prej tyre ex-officio.

NENI 22

Organizimi dhe Kompetencat e Këshillit Drejtues të IRDK-së

22.1. Këshilli Drejtues i IRDK-së thirret dhe udhëhiqet nga Kryesuesi i Këshillit Drejtues të IRDK-së.

22.2. Këshilli Drejtues i IRDK-së mund të thirret edhe me propozimin e Kryetarit të partisë si dhe më kërkesën e 1/2 të anëtarëve të Këshillit Drejtues.

22.3. Këshilli Drejtues i Partisë mbledhet çdo gjashtë muaj e sipas nevojës edhe më shpesh.

22.4. Këshilli Drejtues i partisë e miraton rregulloren e punës së vet.

22.5. Këshilli Drejtues i IRDK-së nxjerrë vendime me shumicën e thjeshtë të votave nga anëtarët e pranishëm, ndërsa për vendime të rëndësishme nevojiten 2/3 e votave të anëtareve të pranishëm.

22.6. Kompetencat e Këshillit Drejtues janë:

1. Me shumicë votash emëron dhe shkarkon Kryesuesin e Këshillit Drejtues, anëtarët e Kryesisë, nënkryetarët, Sekretarin e Përgjithshëm së dhe përgjegjësën financiar të IRDK-së.
2. Përkujdesja për realizimin e detyrave të përcaktuara në Kuvendin e Përgjithshëm të IRDK-së.
3. Shqyrtimin dhe miratimin e listave të kandidatëve për deputet në Kuvendin e Kosovës. si dhe shqyrton dhe vendos për ndonjë koalicion te mundshëm me ndonjë parti tjetër para dhe pas zgjedhjeve nacionale dhe lokale.
4. Shqyrtimin dhe miratimin dhe vendosjen e kandidaturave për postet e larta qeveritare.
4. Shqyrtimin dhe miratimin e buxhetit vjetor të IRDK-së
5. Shqyrtimin dhe miratimin e raportit financiar vjetor të IRDK-së
7. Formon Komisione dhe Grupe pune në Funksion të realizimit të detyrave të dhëna nga Kuvendi i Përgjithshëm i IRDK-së
8. Përcakton shumën që anëtari i partisë duhet të paguaj për anëtarësi.

NENI 23

Kryesia e IRDK-së

23.1. Kryesia e IRDK-së është organ mbikëqyrës-politik i qëndrimeve dhe vendimeve të aprovuara nga Kuvendi dhe Këshilli Drejtues i IRDK-së.

23.2. Kryesia e IRDK-së përbehet prej 15 anëtareve: Kryetari, 3 Nënkryetarët, Sekretari i Përgjithshëm, Kryetarët e degëve, Kryetari/ja i/e Forumit Rinor të IRDK-së nëse funksionon, Kryetarja e Forumit të Gruas nëse funksionon dhe anëtares tjerë numri i të cilëve ndryshon në varësi të numrit të degëve.

23.3. Kryesia e IRDK-së miraton rregulloren e punës së vet në të cilën përshkruhen detyrat e secilit anëtar të Kryesisë, të cilat nuk janë përshkruar në këtë statut.

23.4. Kryesia e IRDK-së formon komisione dhe grupe punuese të cilat kanë për qëllim planifikimin strategjik, financiar dhe çështje tjera që ndërlidhen me përmbushjen e detyrimeve programore dhe statusore dhe funksionimin efikas të partisë.

23.5. Kryesia e IRDK-së harton buxhetin vjetor dhe më së largu në fillim të muajit dhjetor të çdo viti kalendarik i dorëzon draft buxhetin Këshillit Drejtues të IRDK-së për miratim.

23.6. Kryesia e IRDK-së është përgjegjëse për zbatimin programit dhe statutit të IRDK-së.

NENI 24

Kryetari i IRDK-së

24.1. Kryetari i IRDK-së është përgjegjës për:

1. Udhëheqjen e IRDK-së.
2. Zbatimin e programit dhe statutit të IRDK-së .
3. Përfaqësimin e IRDK-së.
4. Thirrjen e Kuvendit të rregullt të partisë.
5. Caktimin e delegacioneve në takimet zyrtare.
6. Thirrjen dhe kryesimin e mbledhjeve të Kryesisë dhe Këshillit Drejtues të partisë.

24.2. I propozon Këshillit Drejtues së IRDK-së Përgjegjësin për Financa, shefin e shtabit zgjedhor, propozon dhe nënshkruan marrëveshje politike për koalicion , memorandum bashkëpunimi me parti, propozimet e kryetarit miratohen ne Këshillin Drejtues të partisë.

Me qellim te respektimit te personaliteteve që kanë dhënë kontribut për Partinë kryetari mund të propozoi që personat e caktuar te shpalle kryetar nderi apo anëtar nderi te partisë.

Anëtarët e nderit nuk mund të ushtrojnë poste ekzekutive ne parti, te njëjtit kryen vetëm funksione këshillëdhënëse për interesat e partisë.

24.3. Në rast të mungesës së tij, pamundësisë fizike ose vdekjes, kryetarin e zëvendëson, deri në Kuvendin e radhës, nënkryetari i parë i partisë.

24.4. Në rast kur Kryetari i IRDK-së, pas mandatit të dytë të kryetarit, merr funksione të larta, si: Deputet në Parlamentin e Kosovës, Ministër apo Zëvendës ministër në Qeverinë e Kosovës, atëherë pas 60 ditëve nga emërimi, i pushon funksioni i Kryetarit. Në këtë rast, funksionin e Kryetarit e ushtron Nënkryetari i parë i cili më së largu gjashtë muaj nga marrja e detyrës së Ushtruesit të detyrës së Kryetarit e thërret Kuvendin e Përgjithshëm për zgjedhjen e Kryetarit.

NENI 25

Zgjedhja e kryetarit të IRDK-së

25.1. Votimi për kryetar behët me votim të fshehtë nëse Kuvendi nuk vendos ndryshe

25.2. Propozimet e kandidaturave për kryetar behët nga delegatët e Kuvendit

25.3. Në bazë të propozimeve të delegatëve formohet fletëvotimi për zgjedhjen e kryetarit dhe radhitja e emrave të kandidatëve bëhet në bazë të alfabetit.

25.4. Në rast të propozimit të më shumë se dy kandidatëve, dy kandidatët të cilët kanë më shumë vota do të votohen në raundin e dytë

25.5. Në raundin e dytë për kryetar zgjidhet kandidati i cili ka më shumë vota

25.6. Nëse në raundin e parë njëri nga kandidatët pas votimit ka marrë më shumë se 50% të votave të të gjithë delegateve të Kuvendit, atëherë ky kandidat zgjidhet kryetar.

25.7. Në rast të propozimit të vetëm një kandidati për kryetar, Kuvendi mund të vendos që votimi për zgjedhje të kryetarit të behët me votim të hapur. Në këtë rast kryetari zgjidhet me shumicën e delegatëve të Kuvendit.

NENI 26

Nënkryetaret e IRDK-së

IRDK i ka tre zëvendëskryetar, të cilët e ndihmojnë kryetarin në realizimin e detyrave të tij. Në mungesë të zëvendëskryetarit të parë, detyrën e tij e ushtron zëvendëskryetari i dytë dhe në mungesë të zëvendëskryetarit të dytë, detyrën e tij e ushtron zëvendëskryetari i tretë i IRDK-së.

NENI 27

Sekretari i përgjithshëm i IRDK-së

- 27.1. Mbikëqyrë zbatimin e vendimeve dhe politikave të Kryesisë së IRDK-së
- 27.2. Raporton para Kryesisë dhe Këshillit Drejtues të IRDK-së për aktivitetet e përgjithshme të IRDK-së
- 27.3. Është përgjegjës për administratën e selisë qendrore të IRDK-së
- 27.4. Harton propozimet për organizimin dhe përparimin e IRDK-së

NENI 28

Përgjegjësi i Financave

- 28.1. Përgjegjësi i Financave zgjidhet nga Këshilli Drejtues me propozim të Kryetarit të IRDK-së
- 28.2. Raporton para këshillit drejtues, kryesisë dhe kryetarit në mënyre periodike lidhur me gjendjen financiare të buxhetit të IRDK-së.
- 28.3. Mandati i tij zgjat aq sa zgjat mandati i kryetarit
- 28.4. Është përgjegjës për menaxhimin e buxhetit të IRDK-së.
- 28.5. Përfaqëson punët financiare të IRDK-së në rastet e kontrollit qeveritar

NENI 29
Zëdhënësi i IRDK-së

- 29.1. Emërohet nga Kryesia e IRDK-së
- 29.2. Informon opinionin publik lidhur me aktivitetin politik të IRDK-në
- 29.3. Përgatit dhe thërret konferenca për shtypin
- 29.4. Pa të drejtë vote merr pjesë në mbledhjet e Kryesisë, Këshillit Drejtues dhe organet tjera udhëheqëse të IRDK-së

NENI 30

Komisioni statutar i IRDK-së

- 30.1. Komisioni statutar i IRDK-së përbëhet nga kryetari i partisë dhe tre anëtar te propozuar nga këshilli drejtues i partisë ku anëtarët preferohen të jenë jurist me profesion.
- 30.2. Është përgjegjës për hartimin, interpretimin dhe mbrojtjen e statutit të IRDK-së gjatë realizimit në praktikë
- 30.3. Shqyrton ankesat dhe kërkesat e anëtareve dhe organeve të IRDK-së të cilat janë të ndërlidhura me rregullat e përcaktuara me statutin e partisë
- 30.4. Vendimet e Komisionit statutar i vërteton dhe zbaton Këshilli Drejtues i IRDK-së

NENI 31

Forumi i Gruas i IRDK-së

- 31.1. Të gjitha gratë në IRDK-në mund të jenë të organizuara edhe në parti
- 31.2. Forumi i gruas ka strukturën e pavarur organizative
- 31.3. Anëtarët e forumit të gruas kujdesen për zbatimin e politikave të përcaktuara nga Kuvendi, Këshilli Drejtues dhe Kryesia e IRDK-së
- 31.4. Forumi i gruas i zgjedh të gjitha organet e saj në Kuvendin e Përgjithshëm të forumit të gruas.
- 31.5. Kuvendi zgjedhor mbahet një herë në dy vjet, ndërsa Kuvendi i jashtëzakonshëm sipas nevojës
- 31.6. Organ udhëheqës të forumit janë Kryesia e Forumit të cilën e udhëheq kryetarja, dy nënkryetare, sekretarja dhe 3 anëtarët e Kryesisë
- 31.7. Kryetarja është anëtare e Kryesisë së IRDK-së.

NENI 32

Forumi Rinor i IRDK-së

- 32.1. Të gjithë të rinjtë në IRDK-në mund të jenë të organizuara edhe në forum rinor
- 32.2. Anëtarë të forumit rinor janë personat e moshës deri në 30 vjeç
- 32.3. Forumi rinor ka strukturën e pavarur organizative
- 32.4. Anëtarët e forumit rinor kujdesen për zbatimin e politikave të përcaktuara nga Kuvendi, Këshilli Drejtues dhe Kryesia e IRDK-së.
- 32.5. Forumi rinor i zgjedh të gjitha organet e saj në Kuvendin e Përgjithshëm.
- 32.6. Kuvendi zgjedhor i forumit rinor mbahet një herë në katër vite, ndërsa Kuvendi i jashtëzakonshëm sipas nevojës.
- 32.7. Organ udhëheqës i forumit rinor është Kryesia e forumit të cilën e udhëheq kryetari/ja, dy nënkryetaret, sekretari/ja dhe 3 anëtarët e Kryesisë
- 32.8. Kryetari/ja është anëtar i Kryesisë së IRDK-së.

NENI 33

Kryetari i Nderit

- 33.1. Kryetari i Nderit të IRDK-së propozohet nga Kryetari i partisë dhe votohet nga Kuvendi i Përgjithshëm

NENI 34

Sekretari organizativ

- 34.1. Është përgjegjës për organizimin e strukturave të partisë dhe ngjarjeve të cilat organizohen nga partia.
- 34.2. Sekretari organizativ zgjidhet nga Këshilli Drejtues.

NENI 35
Dispozitat përfundimtare

Ndryshimet dhe plotësimet e këtij statuti bëhen sipas procedurës për nxjerrjen e tij. Propozimin për ndryshimin e statudit mund ta japë Kuvendi i partisë, këshilli drejtues dh kryetari.

Interpretimin autentik te statudit dhe marrëveshjeve te arritura e bënë Këshilli Drejtues i partisë.

Shpjegimet për ndryshimin dhe zbatimin e dispozitave te këtij statuti e jep komisioni statutar.

NENI 36
Hyrja në fuqi e statudit te IRDK-së

Ky statut hynë në fuqi nga dita e aprovimit te të gjitha dispozitave nga ana e Kuvendit të përgjithshëm te IRDK-së.

Çdo rregullore apo vendim dhe akte tjetër individual duhet ti përmbahet këtij statuti.

Kryetar i IRDK-së,
Fridon Lala

